

三字訛通鑑考異已辨之矣

都護治烏壘城○宋白曰伊州伊吾郡漢伊吾盧地宣

帝時鄭吉爲西域都護治烏壘城卽此臣召南按本

傳言烏壘城去陽關二千七百三十八里而車師國

西南至都護治所千八百七里龜茲國東至都護治

所三百五十里則烏壘尙在車師西南與龜茲相近

非伊州伊吾地在車師之東者也伊吾地卽今哈密

城後漢永平中始置宜禾都尉在前漢未聞其名宋

白說非也

扞彌國傳今名寧彌○按此孟堅自据作史時言也後